

## موكّلت يا با الفضل أختي زينب ما تذل دارت اعليه الليالي وينه سيفك

ما أريد أعتب يبو فاضل إلك كل العذر  
ولا أريد احجي اعلى درب الكوفة وسياط الشمر  
راضية ابكل ما جرى و لله الحمد ويا الشكر  
مو عتب يا خويه لكن كلمة ضاق ابها الصدر

أنت بالشط منجدل وأني بظهور الهزل  
يلچنت تستر خيالي وينه سيفك

أنسى كل همي وعذابي وأذكرك بالمشرفة  
جثة ممدودة وخضيبية والچفوف مكطعة  
يلوگع كلشي بحياتي من وگع في مصرعه  
ابذمتك خدري ابوصية أم البنين الأربعة

وانقطع جبل الشمل ما يظل اعلينا ظل  
وينه كل عزي وجلالي وينه سيفك

أعرفك حر وغيور ابدمك ايثور الوفا  
وما أريد أجرح شعورك والجرح صعب الشفا  
هسه عوف امصيبتي وجمر ال في قلبي ما طفى  
كل شعوري والله من بعدك على الدنيا العفا

ضيم وغربة وشحتمل روحي مو دمعي ال يهل  
يصعب اعلى أيتامي حالي وينه سيفك

من طحت يا خويه راسك منهشم من العمد  
ظهر لحسين انكسر يال ما مثل عزك أحد  
ضجت أصوات العطاشى واقبلت أم الولد  
تطلب لعبدالله قطره وما بعد بيها جلد

ما شفت ذاكه الطفل من قطع نحره النبيل  
صحت لك وينك يغالي وينه سيفك

قلبي بمصابك يشب جمرات وبالهم يصطلي  
اشهد انك يا كفيلى وافى يا عزي وهلى  
وتشهد امننا الزهرة بايثارك وابو الغيرة على  
فى امان الله يبو فاضل يگايد محملى

لختك ايطل الحمل وأنت بالطف منچتل  
ما أكرر لك سؤالي وينه سيفك